

**ՄԱՅՐ ԱԹՈՒ Ս. ԷԶՄԻԱԾՆՈՒՄ 1995 ԹՎԱԿԱՆԻ ԱՊՐԻԼ 3-8 ԳՈՒՄԱՐՎԵԼԻՔ  
ԱԶԳԱՅԻՆ ԵԿԵՂԵՑԱԿԱՆ ԺՈՂՈՎԻ ԿԱՆՈՆԱԿԱՐԳ**

**ՆՊԱՏԱԿ՝**

Ժողովավարական գործընթացի մասին Գերագույն Հոգևոր Խորհուրդը թելադրում է, որ հետևյալ ժողովավարական օրենքները ընդունվելին Ազգային Եկեղեցական Ժողովի կողմից:

**ՍՏՈՒԳԻԶ/ՔՎԵԱԽՈՒԶ  
ՀԱՆՁՆԱԽՈՒՄԲ՝**

Գերագույն Հոգևոր Խորհուրդը առաջարկում է յոթը անձերից բաղկացած Ստուգիչ/Քվեախուզ Հանձնախումբ. յոթից մեկը ծառայում է որպես Հանձնախմբի ատենապետ: Հանձնախմբի անդամները նշանակվում են աշխարհագրական տարբեր շրջաններից՝ երկու հոգի Հայաստանից՝ Աստղիկ Եպիսկոպոս Արիստակեսյան և Աշոտ Ոսկանյան, մեկական հոգի Ռուսաստանի տարածքից՝ Եզնիկ Ծ. Վարդապետ Պետրոսյան, Ամերիկյան գույգ ցամաքամասերից՝ Հովհան Արքեպիսկոպոս Տերտերյան և Հակոբ Եպիսկոպոս Գըլըջյան, Միջին և Ծայրագույն Արևելքից՝ Ադան Արքեպիսկոպոս Բալիոզյան, և Եվրոպայից՝ Մեսրոպ Արքեպիսկոպոս Գրիգորյան:

**ՊԱՏԳԱՄԱՎՈՐՆԵՐԻ  
ԱՐՁԱՆԱԳՐՈՒԹՅՈՒՆ՝**

Ազգային Եկեղեցական Ժողովից առաջ յուրաքանչյուր պատգամավոր պարտավոր է արձանագրվել Ստուգիչ Հանձնախմբի մոտ և ստանալ կրծքանշան /կամ կրծքաժապավեն/:

**ՆԱԽԱԳԱՀ՝**

Ամենայն Հայոց Կաթողիկոսական Տեղապահը նախագահում է Ազգային Եկեղեցական Ժողովին՝ մինչև կաթողիկոսի ընտրությունը: Նորընտիր Կաթողիկոսը ստանձնում է նախագահությունը և ազատ է արձակում ժողովը: Նախագահը կատարում է Ազգային Եկեղեցական Ժողովի բացումը:

**ԱՌԺԱՄՅԱ՝**

Մինչև Դիվանի ընտրությունը, Գերագույն Հոգևոր Խորհրդի Ատենապետը և Ատենադպիրը ծառայում են որպես Առժամյա Դիվան Ազգային Եկեղեցական Ժողովին՝ յուրաքանչյուրը իր պաշտոնի սահմաններում:

**ՊԱՏԳԱՄԱՎՈՐ՝**

Ազգային Եկեղեցական Ժողովի պատգամավոր են՝  
ա) Հայաստանյայց Եկեղեցու բոլոր Արքեպիսկոպոսներն

ու Եպիսկոպոսները, որոնք անդամ են Մայր Աթոռի Միաբանության,

- բ) Գերագույն Հոգևոր Խորհրդի աշխարհական անդամները,
- գ) Նվիրապետական Աթոռների կողմից նշանակված պատգամավորները,
- դ) Յուրաքանչյուր թեմի կողմից ընտրված պատգամավորները:

#### ՔՎՈՐՈՒՄ՝

Ազգային Եկեղեցական Ժողով գումարելու համար՝ բոլոր պատգամավորների կեսից մեկ ավելիի ներկայությունը կազմում է փոքրամ:

#### ՈՐՈՇՈՒՄՆԵՐ՝

Որոշումները ընդունվում են ներկա գտնվող պատգամավորների մեծամասնության ձայնով և փեարկությամբ:

#### ՔՎԵԱՐԿՈՒԹՅՈՒՆ՝

Ներկա գտնվող պատգամավորները միայն կարող են փե տալ: Յուրաքանչյուր պատգամավոր ունի միայն մեկ ձայնի իրավունք: Անձնափոխանորդի միջոցով չի կարելի փեարկել պատգամավորին արձանագրելուց հետո: Անձնափոխանորդը չի արտոնվում ժողովին ներկա գտնվել: Ընտրությանց պարագային փեարկությունը կատարվում է գրավոր: Որոշումների և այլ հարցերի պարագային փեարկությունը կարելի է կատարել ձեռք քարձրացնելով:

#### ԴԻՎԱՆԻ

#### ԸՆՏՐՈՒԹՅՈՒՆ՝

Գերագույն Հոգևոր Խորհուրդը ներկայացնում է երկուական անուններից բաղկացած ընտրական փեաթերթ Ատենապետի, Փոխ-Ատենապետի, Ատենադպրի և Փոխ-Ատենադպրի պաշտոնների համար: Ժողովից առաջարկված անուններ ևս կարելի է ավելացնել ցանկի վրա՝ մեծամասնության ձայնով: Այս գործընթացի միջոցին փնարկում տեղի չի ունենա:

#### ՔՎԵԱԹՈՒՂԹ՝

Քվեաթղթերի վրա անունները պետք է գրվեն երեք այբուբեններով՝ հայերեն, լատիներեն և ռուսերեն: Դիվանի ընտրության համար ստուգիչ Հանձնախումբը պատգամավորներին փեաթերթեր քաժանելուց հետո, հրավիրում է նրանց մեկ առ մեկ, որպեսզի յուրաքանչյուրը

տա իր ֆվեց:

Քվեաթղթի վրա հստակ պետք է նշվի, որ քանի անձի ֆվե պիտի տրվի: Այն ֆվեները, որ տրված հրահանգներին չեն համապատասխանում, անվավեր են համարվում:

**ՔՎԵՆԵՐԻ ՍՏՈՒԳՈՒՄ՝**

Ստուգիչ Հանձնախումբը հաշվում է ֆվեները, որոնց արդյունքները հայտնում է նախագահին, որը իր հերթին հաղորդում է այդ տեղեկությունը Առժամյա Ատենապետին՝ հրապարակորեն հայտարարելու համար:

Դիվանի ընտրությունից հետո՝ Նախագահը հրավիրում է նորընտիր դիվանի կազմը, որ իր տեղը գրավի:

**ՕՐԱԿԱՐԳ՝**

Գերագույն Հոգևոր Խորհուրդը պատրաստում է Ազգային Եկեղեցական Ժողովի օրակարգը և ներկայացնում է այն ժողովին որպեսզի ընդունվի: Պատգամավորը իրավունք ունի օրակարգում նոր առաջարկություններ անելու:

**ՕՐԻՆԱԿԱՆ ՀԱՐՑԵՐԻ ԽՈՐՀՐԴԱՏՈՒՆԵՐ՝**

Ատենապետը Դիվանի հետ խորհրդակցաբար նշանակում է երեք անձեր, որ օրինական հարցերի վերաբերյալ խորհուրդ տան իրեն:

**ԿԱՐԳԱՊԱՀՈՒԹՅԱՆ ՀԱՆՁՆԱԽՈՒՄԲ՝**

Ատենապետը Դիվանի հետ խորհրդակցաբար նշանակում է մի Հանձնախումբ, որ հսկի կարգապահությունը:

**ԳՆԱՀԱՏԱՆՔԻ ՀԱՆՁՆԱԽՈՒՄԲ՝**

Ատենապետը Դիվանի հետ խորհրդակցաբար նշանակում է Գնահատանքի Հանձնախումբ:

**ԿԱՐԳ ՈՒ ԿԱՆՈՆ՝**

Պառլամենտական գործընթացի կարգ ու կանոնները գործադրվում են հետևյալ կերպ՝

- ա) Պատգամավորները խոսք են ստանում այն ժամանակ երբ Ատենապետը խոսելու իրավունք է տալիս իրենց:
- բ) Ելույթի համար ամեն մի պատգամավորին տրվում է 1-3 րոպե, իսկ հայտարարության համար միայն 1,5 րոպե:
- գ) Պատգամավորներին տվյալ հարցի համար

արտահայտվելու միայն մեկ անգամ է պատեհություն տրվում:

- դ) Խոսողները իրենց խոսքը ուղղում են միայն Ատենապետին և չեն վիճարանում կամ խոսակցում այլ պատգամավորների հետ:
- ե) Պատշան ձևով և լեզվով պիտի լինի խոսակցությունը:
- զ) Հարցերի բավարար ֆենարկումից հետո՝ Ատենապետը կարող է վիճարանության համար որոշ ժամանակ սահմանել:

**ԿԱՔՈՂԻԿՈՍԻ  
ԸՆՏՐՈՒԹՅՈՒՆ՝**

- ա) Գերագույն Հոգևոր Խորհուրդը ներկայացնում է ցանկը երեք Նվիրապետական Աթոռների Գահակալների և Մայր Աթոռի միաբանության անդամ բոլոր Արքեպիսկոպոսների և եպիսկոպոսների՝ որպես կաթողիկոսի ընտրության թեկնածուներ:
- բ) Կաթողիկոսի ընտրության փվեաթղթերի վրա անունները տետք է գրվեն երեք այբուբեններով՝ հայերեն, լատիներեն և ռուսերեն: Ստուգիչ Հանձնախումբը պատգամավորներին հրավիրում է մեկ առ մեկ: Յուրաֆանչյուր պատգամավոր իր անունը ստորագրելուց հոտո արձանագրության տոմարի մե՛ջ ստանում է փվեաթերթը: Ամեն մի փվեաթերթ նախքան պատգամավորին տրվելը պետք է կնքվի Ստուգիչ Հանձնախմբի Ատենապետի կողմից և ստորագրվի Հանձնախմբի այլ երկու անդամների կողմից: Պատգամավորը կնքված և ստորագրված փվեաթուղթը ստանալուց հետո, պատեհություն ունի իր փվեն արձանագրելու և այն փվեստուլի մեջ նետելու:
- գ) Առաջին փվեարկությամբ ընտրվում են երեք թեկնածուներ, որոնց անունները պիտի երևան փվեաթերթի վրա: Պատգամավորները պարտավոր են փվեարկել միայն մեկ անձի և բարձրագույն փվե ստացող երեք անձերը նկատվում են թեկնածուներ, որոնց անունները պիտի երևան պաշտոնական փվեաթերթի վրա:

- դ) Երկրորդ փլեարկությանը ընտրվում է Կաթողիկոսը եռանուն ցանկից: Պատգամավորները պարտավոր են փլեարկել մեկ անձի միայն:
- ե) Նա, ով կստանա փլեի մեծամասնությունը, կնտրվնի Կաթողիկոս:
- զ) Եթե թեկնածուներից որևէ մեկը չի ստանում փլեի մեծամասնությունը, երկրորդ փլեաթերթ է պատրաստվում, հանելով նվազագույն փլե ստացողի անունը:

#### **ԱՐՁԱԿՈՒՄ՝**

Ընտրյալ Կաթողիկոսը ստանձնում է նախագահությունը ժողովի և արձակում է այն:

#### **ՍԱՀՄԱՆԱԴՐԱԿԱՆ**

#### **ԱԶԳԱՅԻՆ-ԵԿԵՂԵՑԱԿԱՆ**

#### **ԺՈՂՈՎ՝**

Գերագույն Հոգևոր Խորհուրդը Ազգային-Եկեղեցական Ժողովին մի որոշում է ներկայացնում՝ հանձնարարելու նոր Կաթողիկոսին իննսուն օրվա ընթացքում նշանակի Սահմանադրական մի Հանձնաժողով՝ սահմանադրության նախագիծ կազմելու և դիտողությունների համար շրջանառության մեջ դնելու այն և երկու տարվա ընթացքում Ազգային-Եկեղեցական մի նոր ժողով գումարելու, որի միակ նպատակը պետք է լինի ֆենել հիշյալ սահմանադրության նախագիծը:

#### **ԳԵՐԱԳՈՒՅՆ ՀՈԳԵՎՈՐ**

#### **ԽՈՐՀՈՒՐԴ՝**

Ազգային-Եկեղեցական Ժողովը առաջարկում է նորընտիր Կաթողիկոսին՝ որպեսզի նշանակի Գերագույն Հոգևոր Խորհրդի անդամներին մինչև Սահմանադրության ընդունումը: